

"Saya terpaksa tolak tuntutan2 yang tidak diterima oleh pihak2 lain"

'STATUS QUO' KATA DR. M



SEORANG ahli Wanita MCA sedang menyematkan sekuntum bunga orkid ke baju Datuk Sri Dr. Mahathir Mohamad bila beliau hadir untuk merasmikan Perhimpunan Agung ke-29 MCA di Wisma MCA, Jalan Ampang Kuala Lumpur semalam.

KUALA LUMPUR 19 Sept. — Datuk Sri Dr. Mahathir Mohamad berkata beliau akan meneruskan 'status quo' yang diasaskan oleh tiga bekas Perdana Menteri terdahulu dan "saya terpaksa menolak tuntutan dari mana-mana pihak pun yang tidak mungkin diterima langsung oleh pihak lain."

Sambil menekankan pentingnya dikedalkan 'status quo' yang wujud di negara ini untuk kejayaan negara, Perdana Menteri berkata "jika status quo ini penting untuk negara kita, maka MCA sebagai sebuah parti yang bertanggungjawab haruslah berusaha untuk mengekalkan 'status quo' ini."

Berucap merasmikan perhimpunan agung ke-29 MCA di Wisma MCA di sini pagi ini, Datuk Sri Dr. Mahathir mengingatkan "jika MCA, kerana sebab-sebab tertentu cuba mengubah perimbangan atau dengan perkataan lain cuba "disturb status quo" ini akibatnya adalah Barisan Nasional akan menjadi tidak stabil."

"Sekiranya kita tidak berhati-hati kita akan mengalami seperti kata pepatah Melayu yang dikejar terlepas yang dikendong kecciran", tambahnya.

Pada pemerhati berpendapat bahawa

saranan Datuk Sri Dr. Mahathir itu ditujukan kepada Pemuda MCA yang menuntut supaya diwujudkan jawatan Timbalan Perdana Menteri kedua dengan memberikan kedudukan itu kepada MCA.

Datuk Sri Dr. Mahathir berkata sebagai Perdana Menteri dan Pengerusi Barisan Nasional beliau akan bersikap sederhana tetapi tegas.

"Saya memang sedar tuntutan-tuntutan yang dibuat oleh kaum-kaum dan parti-parti dalam Malaysia yang sebahagian darinya adalah keterlaluan."

"Saya sedar setakat mana yang boleh saya memberi dan setakat mana yang boleh saya menerima. Jika saya tidak tegas kesannya adalah buruk, bukan bukan sahaja kepada diri saya, tetapi juga kepada negara dan yang menuntunya," tegasnya.

Datuk Sri Dr. Mahathir menarik perhatian bahawa beliau akan meneruskan 'status quo' yang telah diasaskan oleh Tunku Abdul Rahman Putra, Allahyarham Tun Abdul Razak dan Tun Hussein Onn "kerana kita telah dapat mewujudkan satu formula yang sesuai dan secekok dengan keadaan di negara kita."

Menurutnya, memanglah peranan tiap parti politik memperjuangkan kepentingan ahli-ahli dan penyokong-penyokongnya. Tetapi dalam pada itu parti politik yang bijak dan bertanggungjawab tentu tahu ada perkara-perkara yang boleh diperjuangkan dan ada pula perjuangan yang akan menjadi 'non-starter' awal-awal lagi.

Beliau mengingatkan bahawa dalam sebuah negara demokratik kehendak seseorang sahaja, walaupun dia menjadi Perdana Menteri, tidak akan menentukan kejayaan. Untuk mencapai kejayaan majoriti dari rakyat hendaklah mempunyai pendapat yang sama.

Katanya, di Malaysia ini sekurang-kurangnya parti-parti komponen Barisan Nasional yang membentuk kerajaan hendaklah mempunyai pendapat yang seialiran khususnya pendapat bahawa pengkalan 'status quo' adalah penting untuk kejayaan negara.

Perdana Menteri menegaskan bahawa sama ada MCA, UMNO, MIC, Gerakan, Berjaya atau mana-mana parti dalam Barisan Nasional mestilah berhati-hati sebelum membuat sesuatu tuntutan kerana tanpa berhati-hati "kita akan mengalami seperti kata pepatah Melayu "yang dikejar terlepas yang dikendong kecciran".

Berikut ialah kandungan penuh ucapan Datuk Sri Dr. Mahathir:

Memanglah menjadi satu tradisi bagi MCA dan beberapa parti lain dalam Barisan Nasional menjemput Pengerusi Barisan Nasional untuk merasmikan perhimpun-

Bahan asal dari Arkib
Negara Malaysia

No. Siri 10, 82
No. Penerbitan

Bahan asal dari Arkib Negara Malaysia

Tuntutan2 yang tidak diterima Kaum lain terpaksa ditolak — Dr. M

nan-perhimpunan agung tahunan masing-masing. Walaupun demikian saya tidak menganggap jemputan kepada saya ini sebagai jemputan biasa. Sebaliknya saya menganggap kesudian MCA menjemput saya sebagai satu kehormatan yang luar biasa.

Ja juga menunjukkan bahawa walau apa pun pendapat yang ada pada kita anggota Barisan Nasional, kita tetap berpegang kepada prinsip-prinsip yang mewujudkan kerjasama dan solidariti sesama kita. Janganlah hendaknya prinsip dan sikap yang sekian lama telah memberi manfaat kepada pemerintahan negara dan kestabilan politik dibenarkan digugat oleh tuntutan-tuntutan atau tindakan-tindakan yang boleh merosakkan keadaan ini.

MCA telah menjadi rakan UMNO yang pertama dalam pilihan raya municipal di Kuala Lumpur pada tahun 1951 dan juga dalam membentuk gabungan parti di Malaya yang berkesan, iaitu Perikatan. UMNO kemudiannya bersama-sama dengan MCA dan MIC telah mempelopori konsep parti gabungan (atau coalition) dan kerjasama dalam bentuk yang amat berkesan.

Walaupun dunia memperlihatkan beberapa coalition antara parti-parti politik, tetapi tidak ada satu yang lebih berjaya dari gabungan yang diasaskan oleh UMNO, MCA dan MIC. Kerana UMNO, MCA dan MIC berjaya, maka parti-parti lain sanggup menyertai dalam coalition tersebut dan dalam kerajaan.

Hari ini kita mempunyai parti-parti yang bergabung dalam Barisan Nasional yang terdiri dari berbagai kaum dan pendapat politik dan ini mencerminkan "Unity in Diversity" yang benar-benar berjaya di negara yang berbilang kaum ini.

Baru-baru ini negara kita telah melalui satu perubahan kepimpinan dalam kerajaan di mana bukan sahaja Perdana Menteri bertukar tetapi juga beberapa pertukaran jawatan telah berlaku dalam kabinet. Umumnya pertukaran ini tidak melibatkan anggota-anggota kabinet dari Parti MCA.

Walaupun demikian pertukaran ini tentu menimbulkan tanda tanya di kalangan ahli-ahli MCA. Ramai juga pemerhati-

politik dari dalam dan luar negeri membuat ramalan yang tidak baik tentang beberapa kemungkinan yang kononnya akan berlaku akibat pertukaran-pertukaran kepimpinan negara Malaysia.

Sebagai Perdana Menteri yang baru saya telah dari awal lagi menegaskan bahawa tidak akan berlaku perubahan besar dalam dasar-dasar asas kerajaan di bawah pimpinan saya. Cuma yang akan bertukar ialah style dan cara.

Saya menegaskan perkara ini kerana semajak kita mencapai kemerdekaan kita telah berpeluang mencuba dasar-dasar yang sesuai dan boleh diterima oleh rakyat. Dasar-dasar Kerajaan Perikatan dan kemudiannya Kerajaan Barisan Nasional telah diuji dan diterima oleh sebilangan besar rakyat berbagai kaum di Malaysia.

Tetapi memang terdapat sebahagian rakyat pula yang tidak menerima dasar-dasar ini sama ada sebahagian daripadanya atau sepenuhnya. Ada saja aspek dasar-dasar kerajaan yang tidak dipersetujui oleh kaum ini dan kaum itu atau parti ini dan parti itu.

Pesat

Tetapi dalam keadaan yang terdapat di Malaysia, kita tentulah tidak dapat memuaskan hati setiap kaum dan kumpulan, apatah lagi tiap-tiap individu. Keadaan di mana terdapat pihak-pihak yang tidak puas hati tetapi tidaklah sehingga sanggup menimbulkan huru-hara yang boleh menjejaskan dan menghancurkan negara adalah satu keadaan yang kita harus terima sebagai the best possible situation memandangkan keadaan yang terdapat di negara kita.

Walaupun pemerhati-pemerhati dari luar negeri kerap kali membuat ramalan bahawa Malaysia akan hancur tetapi kita telah dapat membuktikan bahawa ramalan mereka itu tidaklah tepat. Sebaliknya Malaysia telah terus membangun dengan pesat sekali.

Negara kita membangun walaupun sistem demokrasi dan pilihan-raya tiap-tiap lima tahun dianggap oleh beberapa negara membangun sebagai penghalang kestabilan. Ada setengah-setengah negara yang

mengamalkan sistem demokrasi yang lebih lama daripada Malaysia tetapi mereka tidak dapat mencapai pertumbuhan ekonomi (rate of economic growth) seperti yang dicapai oleh negara kita.

Memandang kepada keadaan politik, ekonomi dan sosial yang baik di Malaysia inilah maka saya berpendapat adalah lebih baik jika perubahan besar dalam dasar-dasar asas tidak dibuat apabila saya mengambil jawatan Perdana Menteri. "We must be doing something right. How else can there be this stability and growth. So why change a tried and tested policy".

Pada hemat saya, kita telah dapat mewujudkan satu formula yang sesuai dan sececook dengan keadaan di negara kita. Tiada siapa yang dapat menafikan kejayaan Malaysia. Oleh kerana itu saya tidak mahu menukar dasar tersebut. Sebaliknya saya berpendapat bahawa dasar ini patut dikekalkan.

Saya akan meneruskan "status quo" yang telah diasaskan oleh predecessors saya, iaitu Yang Teramat Mulia Tunku Abdul Rahman Putra Al-Haj, Allahyarham Tun Abdul Razak dan Tun Hussein Onn.

Dalam sesebuah negara demokratik kehendak seseorang sahaja, walaupun diannya menjadi Perdana Menteri, tidak akan menentukan kejayaan. Untuk mencapai kejayaan sebilangan besar dari majoriti daripada rakyat hendaklah mempunyai pendapat yang sama.

Di Malaysia ini sekurang-kurangnya parti-parti komponen Barisan Nasional yang membentuk kerajaan hendaklah mempunyai pendapat yang seairan khususnya pendapat bahawa pengkalan "status quo" ini adalah penting untuk kejayaan negara.

Sebagai salah satu dari tiga parti yang terbesar dalam Barisan Nasional, MCA memainkan peranan penting dalam usaha mewujudkan kestabilan dan kemakmuran negara. Jika "status quo" ini adalah penting untuk negara kita, maka MCA sebagai sebuah parti yang bertanggungjawab haruslah berusaha untuk mengekalkan "status quo" ini.

Jika MCA kerana sebab-sebab tertentu cuba mengubah perimbangan (balance) atau dengan

perkataan lain cuba "disturb status quo" ini akibatnya adalah Barisan Nasional akan menjadi tidak stabil lagi. Dalam keadaan ini kita tidak dapat meneruskan pembangunan dan mencapai kejayaan yang telah kita nikmati selama ini.

Memanglah peranan setiap parti politik memperjuangkan kepentingan ahli-ahli dan penyokong-penyokongnya. Tetapi dalam pada itu parti politik yang bijak dan bertanggungjawab tentu tahu ada perkara-perkara yang boleh diperjuangkan dan ada pula perjuangan yang akan menjadi "non-starter" awal-awal lagi.

Oleh sebab itu kita semua, sama ada MCA, UMNO, MIC, Gerakan, Berjaya atau mana-mana parti yang lain dalam Barisan Nasional, mestilah berhati-hati sebelum membuat sesuatu tuntutan itu. Sekiranya kita tidak berhati-hati kita akan mengalami seperti kata pepatah Melayu "yang dikejar terlepas yang dikondong keciciran".

Sebagai Perdana Menteri dan Pengerusi Barisan Nasional, saya akan bersikap sederhana tetapi tegas. Saya memang sedar tentang tuntutan-tuntutan yang dibuat oleh kaum-kaum dan parti-parti dalam Malaysia yang sebahagian daripadanya adalah keterlaluan.

Sebagai Perdana Menteri dan Pengerusi Barisan Nasional saya terpaksa menolak tuntutan dari mana-mana pihak pun yang tidak mungkin diterima langsung oleh pihak lain. Saya sedar setakat mana yang boleh saya memberi dan setakat mana yang boleh saya menerima.

Jika saya tidak tegas, kesannya adalah buruk. Buruk bukan sahaja kepada diri saya, tetapi juga kepada negara dan yang menuntunya. Iznikan saya mengingatkan kita semua bahawa "Politics is the art of the possible". Kebijaksanaan politik ialah mengenali "what is possible and what is not".

Kestabilan negara ini bergantung kepada kebolehan kerajaan memenuhi janji-janjinya. "We have to deliver the goods if we wish to continue as the government of this country".

Kita telah bersetuju dengan berbagai program supaya kita boleh